

TILLAGA

að starfsreglum um breytingu á starfsreglum um
skipulag kirkjunnar í héraði nr. 1026/2007
(Lagt fyrir 56. kirkjuþing 2017)

Flutt af biskupi Íslands
Frsm. Agnes M. Sigurðardóttir

1. gr.

■Mörk Keflavíkursóknar og Ytri-Njarðvíkursóknar, Kjalarnesprófastsdæmi, skulu dregin um miðlínu Þjóðbrautar í Reykjanesbæ frá Reykjanesbraut að Bakkavegi og þaðan út í sjó. Hnitasetning þeirra sóknarmarka er nánar tiltekið sem hér segir:

324934 m	392378 m
325100 m	392585 m
325210 m	392574 m
325313 m	392599 m
325370 m	392641 m
325519 m	392769 m
325627 m	392825 m
325930 m	392828 m
326249 m	392853 m
326535 m	392835 m

Meðfylgjandi er uppdráttur sem sýnir mörk milli Keflavíkursóknar og Ytri-Njarðvíkursóknar, með gulri línu, fylgiskjal 1.

2. gr

■Starfsreglur þessar sem settar eru með heimild í og 59. gr. laga um stöðu, stjórn og starfshætti þjóðkirkjunnar nr. 7871997 öðlast gildi 30. nóvember 2017.

Athugasemdir við tillögu þessa.

Sóknarnefnd Keflavíkursóknar, Kjalarnesprófastsdæmi, sendi biskupi Íslands erindi, dags. 7. apríl 2017, með beiðni um breytt sóknarmörk milli Keflavíkursóknar og Ytri-Njarðvíkursóknar. Um er að ræða svæði sem tilheyrði gamla varnarsvæðinu á Keflavíkurflugvelli og var þannig í reynd utan kirkjusókna þjóðkirkjunnar. Fyrirhugað er að á svæðinu rísi nýtt íbúðarhverfi, svonefnt Hlíðahverfi. Er ráðgert að um 1.100 manns verði búsett þar þegar hverfið verður fullbyggt. Eins og nánar kemur fram í erindinu er eðlilegt hvað varðar skólahverfi, póstnúmer, staðhætti og önnur innviðatengsl að svæðið tilheyri Keflavíkursókn. Ytri-Njarðvíkursókn og prófasti Kjalarnesprófastsdæmis var kynnt erindið með bréfi, dags. 10. maí 2017 og gefinn kostur á að veita umsögn.

Biskup ákvað að ganga á vettvang með fulltrúum Keflavíkursóknar og ræða jafnframt tillöguna og fóru biskup og forstöðumaður lögfræðisviðs Biskupsstofu í því skyni á staðinn þann 23. júní 2017.

Erindið var síðan lagt fram á biskupafundi þann 30. ágúst 2017, þar sem biskup reifaði málið. Biskupafundur samþykkti að bera tillögu upp á kirkjuþingi í samræmi við erindi Keflavíkursóknar, enda kæmi ekkert það fram frá Ytri-Njarðvíkursókn sem breytt gæti þeirri niðurstöðu.

Erindi barst frá Lögfræðistofu Suðurnesja, dags. 25. september 2017 f.h. sókna Njarðvíkurprestakalls, þ.e. ytri-Njarðvíkursókn, Njarðvíkursókn og Kirkjuvogssókn, með fyrirspurn um málið. Erindinu var svarað með bréfi Biskupsstofu, dags. 27. september 2017 og var þar bent á að viðbrögð þyrftu helst að hafa borist fyrir 16. október 2017, en þann dag rynni frestur út til framlagningar mála.

Með máli þessu fylgja eftirfarandi gögn:

1. Erindi Keflavíkursóknar til biskups Íslands ásamt fylgiskjölum, dags. 7. apríl 2017
2. Uppdráttur af sóknarmörkum með hnitum, dags. 17. október 2017, unninn af Sigurgeir Skúlasyni, landfræðingi.
3. Bréf biskups Íslands til sóknarnefndar Ytri-Njarðvíkursóknar og prófasts Kjalarnesprófastsdæmis, dags. 10. maí 2017
3. Bréf Lögfræðistofu Suðurnesja, dags. 25. september 2017
4. Svar Biskupsstofu til Lögfræðistofu Suðurnesja, 27. september 2017

Talið er að tillaga þessi feli ekki í sér neinn kostnað.

Lagt er til að tillagan, ef samþykkt verður, öðlist gildi 30. nóvember 2017, í samræmi við ábendingu Þjóðskrár á sínum tíma um þessa dagsetningu gildistöku, sem fylgt hefur verið undanfarin ár. Sú dagsetning miðast við að öll ráðstöfun sóknargjalda og réttindi sóknarmanna miðast við 1. desember ár hvert. Er því eðlilegt að gildistakan miðist við þennan dag.